



**Garis Panduan Peluasan
Permohonan Potongan Cukai Bagi
Sumbangan Dan Penajaan Projek
Komuniti Dan Kebajikan
Pemeliharaan Dan Pemuliharaan Bangunan
Warisan**

KEMENTERIAN PELANCONGAN, SENI DAN BUDAYA

1.0 TUJUAN

- 1.1 Garis panduan ini bertujuan memberi penjelasan berhubung peluasan permohonan potongan cukai di bawah Perenggan 34 (6) (h) Akta Cukai Pendapatan 1967 ke atas sumbangan dan penajaan aktiviti/program pemeliharaan dan pemuliharaan alam semulajadi dan bangunan/tapak/monumen warisan.

2.0 LATAR BELAKANG

- 2.1 Bagi menggalakkan penglibatan sektor swasta dalam memberi sumbangan kepada projek amal atau komuniti, potongan cukai di bawah Perenggan 34(6)(h), Akta Cukai Pendapatan (ACP) 1967 diberi ke atas perbelanjaan yang dilakukan oleh syarikat bagi penyediaan perkhidmatan, kemudahan awam, projek amal dan komuniti berkaitan pendidikan, kesihatan, perumahan, peningkatan pendapatan golongan miskin, infrastruktur serta teknologi maklumat dan komunikasi.
- 2.2 Kementerian Kewangan Malaysia (MoF) melalui pembentangan Bajet 2020 pada 11 Oktober 2019 telah mengumumkan bahawa beberapa insentif cukai termasuk potongan cukai di bawah Perenggan 34(6)(h), ACP 1967 diperluas sebagai usaha berterusan untuk menggalakkan lebih banyak penglibatan sektor swasta dalam melaksanakan Tanggungjawab Sosial Korporat merangkumi:
 - (i) Projek pemeliharaan dan pemuliharaan alam sekitar termasuk hutan, pulau, pantai dan taman negara; dan
 - (ii) Projek penyenggaraan dan pemuliharaan bangunan warisan yang ditetapkan oleh Jabatan Warisan Negara di bawah Akta Warisan Kebangsaan 2005.
- 2.3 Tarikh kuatkuasa bagi galakan cukai ni bermula pada tahun taksiran 2020.

3.0 SENARAI BENTUK SUMBANGAN DAN PENAJAAN

3.1 Antara bentuk-bentuk sumbangan dan penajaan adalah seperti berikut:

- (i) Wang tunai;
- (ii) Pembelian Barang/ Peralatan/ Bahan Mentah;
- (iii) Pembiayaan projek pemuliharaan dan penyelenggaraan; dan
- (iv) Perkhidmatan seperti kepakaran dalam bidang pemuliharaan berkaitan.

Nilai peralatan, pembiayaan dan perkhidmatan perlu ditentukan oleh Jabatan Kerja Raya dan agensi kerajaan yang berkenaan.

4.0 KRITERIA PROJEK PEMULIHARAAN DAN PENYELENGGARAAN BANGUNAN WARISAN YANG LAYAK

4.1 Bagi tujuan Perenggan 34(6) (h), projek pemuliharaan, pemeliharaan dan perlindungan yang layak hendaklah memenuhi kriteria-kriteria berikut:

- (i) Projek kerja pemuliharaan bangunan warisan adalah seperti terkandung dalam Garis Panduan Pemuliharaan Bangunan Warisan Tahun 2016 oleh Jabatan Warisan Negara. Garis Panduan Pemuliharaan Bangunan Warisan adalah seperti di **Lampiran A**.
- (ii) Projek memberi manfaat kepada kelestarian seni, budaya dan warisan tanpa mempunyai kepentingan kepada penyumbang; dan
- (iii) Projek disumbangkan secara sukarela dan tidak disyaratkan oleh pihak berkuasa di bawah sesuatu peraturan.

5.0 PIHAK YANG LAYAK MEMOHON POTONGAN

- 5.1 Syarikat dan bukan syarikat iaitu individu, perkongsian, badan amanah, badan bukan kerajaan, koperasi dan perkongsian liabiliti terhad.

6.0 PROSEDUR PERMOHONAN KELULUSAN

6.1 Wang Tunai / Peralatan / Perkhidmatan

- (i) Sumbangan dalam bentuk wang tunai hendaklah disalurkan kepada Jabatan Warisan Negara melalui Kumpulan Wang Warisan.
- (ii) Sumbangan dalam bentuk peralatan / perkhidmatan akan disalurkan kepada projek pemeliharaan dan penyelenggaraan bangunan warisan yang berkaitan.
- (iii) Jawatankuasa penilaian di bawah Jabatan Warisan Negara akan meneliti dan menilai sumbangan wang tunai / peralatan / perkhidmatan oleh penyumbang. Sekiranya jawatankuasa bersetuju, Jabatan Warisan Negara akan mengeluarkan surat penghargaan serta resit rasmi atau surat akuterima kepada penyumbang.
- (iv) Penyumbang hendaklah mendapat resit rasmi atau surat akuterima serta nilainya daripada Jabatan Warisan Negara berserta dengan cop rasmi berdasarkan format seperti di **Lampiran I**. Sekiranya sumbangan disalurkan melalui agensi bukan Kerajaan, resit rasmi atau surat akuterima hendaklah disahkan oleh Jabatan Warisan Negara berserta dengan cop rasmi bagi menentusahkan nilai wang tunai/ peralatan/perkhidmatan.

6.2 Pembiayaan dan Pelaksanaan Projek

- (i) Penyumbang hendaklah terlebih dahulu mendapat **surat kebenaran** daripada Jabatan Warisan Negara bagi sumbangan dan penajaan dalam bentuk pembiayaan dan pelaksanaan projek pemeliharaan dan penyelenggaraan bangunan warisan.
- (ii) Projek pemeliharaan dan penyelenggaraan hanya melibatkan bangunan-bangunan warisan yang diiktiraf oleh Jabatan Warisan Negara. Pelaksanaan projek oleh penyumbang juga perlu di bawah pemantauan Jabatan Warisan Negara atau Jabatan/Agensi Kerajaan yang berkaitan.
- (iii) Setelah projek telah dilaksanakan, penyumbang hendaklah mendapat **surat pengesahan yang menentusahkan kos projek daripada Jabatan Warisan Negara atau Jabatan/Agensi Kerajaan yang berkaitan yang ditandatangani oleh Pesuruhjaya Warisan berserta dengan cop rasmi jabatan** berdasarkan format seperti di **Lampiran II**.

7.0 PROSEDUR AM MEMOHON KELULUSAN MENTERI KEWANGAN

- 7.1 Penyumbang hendaklah memohon kelulusan mendapat potongan daripada Menteri Kewangan secara bertulis dengan mengemukakan maklumat berdasarkan format di **Lampiran III**.
- 7.2 Permohonan yang lengkap dikemukakan kepada:
Setiausaha
Bahagian Analisa Cukai
Perbendaharaan Malaysia
Tingkat 6&7, Blok Tengah, Kompleks Kementerian Kewangan
Precint 2, Pusat Pentadbiran Kerajaan Persekutuan
62592, Putrajaya.

8.0 PROSEDUR MENIKMATI POTONGAN CUKAI DARI LEMBAGA HASIL DALAM NEGERI

8.1 Tuntutan ke atas potongan bagi sumbangan kepada projek pemuliharaan dan penyelenggaraan bangunan warisan yang telah diluluskan hendaklah dibuat dalam Borang Nyata Cukai Pendapatan bagi tahun taksiran yang berkenaan. Dokumen berikut hendaklah disimpan dengan baik untuk tujuan audit oleh Lembaga Hasil Dalam Negeri:


- (i) resit rasmi atau surat akuterima sumbangan daripada Jabatan Warisan Negara;
- (ii) surat pengesahan nilai perkhidmatan / nilai kos projek daripada agensi Kerajaan berkaitan.

9.0 TARIKH KUATKUASA

9.1 Pelaksanaan peluasan potongan cukai bagi sumbangan dan penajaan projek pemuliharaan dan penyelenggaraan bangunan warisan berkuatkuasa mulai tahun taksiran 2020.


CARTA ALIR
PERMOHONAN POTONGAN CUKAI BAGI SUMBANGAN DAN PENAJAAN
PROJEK KOMUNITI DAN KEBAJIKAN (PEMELIHARAAN DAN PEMULIHARAAN
BANGUNAN WARISAN)

Wang Tunai / Peralatan / Perkhidmatan



**CARTA ALIR
PERMOHONAN POTONGAN CUKAI BAGI SUMBANGAN DAN PENAJAAN
PROJEK KOMUNITI DAN KEBAJIKAN (PEMELIHARAAN DAN PEMULIHARAAN
BANGUNAN WARISAN)**

Pembiayaan dan Pelaksanaan Projek



Mengemukakan Surat Penghargaan dan Surat Pengesahan kepada penyumbang

Surat pengesahan yang menentukan kos projek daripada Jabatan Warisan Negara atau Jabatan/Agensi Kerajaan yang berkaitan yang ditandatangani oleh Pesuruhjaya Warisan berserta dengan cop rasmi jabatan



Permohonan kepada LHDN oleh penyumbang

- (i) Resit rasmi atau surat akuterima sumbangan daripada Jabatan Warisan Negara;
- (ii) Surat pengesahan nilai perkhidmatan / nilai kos projek daripada agensi Kerajaan berkaitan.